



浙江圖書館



浙江圖書館



浙江圖書館



浙江圖書館





浙江圖書館

三藩紀事本末卷一



青浦楊陸榮采南氏編

三藩僭號

福王名由松神宗孫福王常洵之子洛陽陷王避亂  
南下次淮安值甲申三月國變南中府部等官會議  
監國鳳督馬士英移書史可法及兵部侍郎呂大器  
請奉福王可法大器以潞王稍有賢譽持未決而士  
英密與操江誠意伯劉孔昭摠兵劉澤清高傑黃得  
功劉良佐擁兵迎王於江上王至南京以內守脩府

爲行宮四日監國十五日僭卽位稱明年爲弘光元年

順治元年甲申五月壬名史可法高弘圖馬士英入閣辦事姜曰廣王鐸俱爲大學士張慎言爲吏部尙書

以總兵黃得功高傑劉澤清劉良佐分鎮淮上史可法開府揚州督其軍

六月命禮部鑄國璽以金代之

名劉宗周爲都察院左都御史宗周疏論時事一言

據形勝江左非偏安之業宜以親征之師東阨淮徐  
北控豫州西顧荆襄漸恢漸進一言重藩屏路振飛  
坐守淮城久以家眷浮舟遠地劉澤清高傑亦有家  
口寄江南之說是二鎮一撫皆可斬也一言慎爵賞  
各帥封賞孰應孰濫宜嚴加分別如左帥以恢復而  
封高劉以敗逃而亦封將誰爲不封者武臣旣濫文  
臣隨之外廷旣濫中璫隨之臣恐天下聞而解體也  
一言覈舊官燕京旣陷有受僞官而逃者有在封守  
而逃者有在使命而逃者宜分別定罪又言賊兵入

秦踰晉直逼京師大江以南二三督撫坐視君父之  
危亡未嘗遣一騎人援既而大行之凶問確矣督撫  
諸臣仍復安坐地方止圖定策之功未嘗肯移一步  
泊乎新朝既立自應立遣北伐之師而諸臣之計又  
不出此紛紛制作盡屬體面更難解者先帝升遐喪  
詔距今月餘浙中尙未頒至近省如此遠省可知仰  
惟陛下再發哀痛之詔立興間罪之師請自中外諸  
臣之不職者始末幾宗周予告去

遣太監王肇基督催閩浙金花銀兩

肇基原  
名坤

上崇禎帝諡曰思宗烈皇帝周皇后曰孝節皇后既

易思爲毅

官

追尊建文君爲惠宗讓皇帝景泰爲代宗景皇帝復  
懿文太子爲興宗孝康皇帝尊皇考福恭王爲恭皇  
帝尋改孝皇帝立專廟

圖

削溫體仁文忠諡允禮部尙書顧錫疇請也未幾錫  
疇以請削溫諡奪職

浙

釋高墻罪宗七十五案

予大學士文震孟諡文肅劉一璟諡文端賀逢聖諡

文忠禮部侍郎羅喻義諡文介詹事姚希孟諡文毅  
兵部尙書呂維祺諡忠節山西巡撫蔡懋德諡忠襄  
隨州知州王燾諡忠愍懋德諡尋奪

吏利馬嘉植疏陳立國本事一改葬梓宮一迎養國  
母一訪求東宮二王一祭告燕山陵寢

命總兵工之綱迎太妃於河南郭守義家洛陽之變  
太妃與妃各依人自活至是迎之隨諭工部於三日  
內搜括萬金以充賞賜

御史祁彪佳請禁革詔獄緝事廷杖三弊政時議復

厥衛人心皇皇故彪佳言之尸科給事中吳适亦言  
先帝十七年憂勤曾無失德止有厥衛一節未免府  
怨臣民陛下試思先朝之何以失卽知今日之何以  
得疏入俱不省

八月以逆案原任光祿卿阮大鍼爲兵部右侍郎未  
幾轉左於是太僕少卿楊維垣徐景濂給事中虞廷  
陛郭如闇御史周昌晉陳以瑞徐復陽編修吳孔嘉  
叅政虞大復輩皆相繼起用

命錦衣都督馮可宗遣役緝事禮科給事中袁彭年

言相傳文皇帝十八年始設東廠然不見正史嗣後  
一盛於成化西廠汪直踰年卽罷再盛於正德逆瑾  
煽虐天下騷然三盛於天啟逆魏之禍幾危社稷頃  
先帝亦嘗任廠衛緝訪矣乃當世遂無不營而得之  
官中外自有不脛而走之賄廠衛之盛衰關世運之  
治亂不可不革疏入謫浙江按察司照磨

詔選官女及內員廷臣交章諫不聽

九月于北京殉難諸臣謚大學士范景文文貞戶部  
尚書倪元璐文正都御史李邦華文忠副都御史

施邦曜忠介戎政侍郎王家彥忠端刑部侍郎孟兆

祥忠貞大理寺卿凌義渠忠清太常寺卿吳麟徵忠

節庶子周鳳翔文節諭德馬世奇文忠中允劉理順

文正簡討汪偉文烈大僕寺寺丞申佳胤節愍給事

中吳甘來忠節御史陳良謨恭愍陳純德恭節王章

忠烈吏部員外許直忠節兵部主事成德忠毅金鉞

忠節觀政進士孟章明節愍立祠賜各旌忠勳戚惠

安伯張慶臻忠武襄城伯李國楨貞武新樂侯劉文

炳忠壯左都督劉文燿忠果駙馬都尉鞏永固貞愍

三藩紀事本末卷一  
五  
太監王尹 忠王之心忠愍李鳳翔恭壯大同巡撫衛  
景瑗忠毅宣府巡撫朱之馮忠壯總兵吳襄忠壯周  
遇吉忠武補予大學士孫永宗文忠太常少卿鹿善  
繼忠節

工部主事王鍾彥經歷施溥中書舍人宋天顯各予  
祭葬

開納貢助工例

十月朔命鑄弘光錢

以楊維垣爲通政使維垣亟謀起官禮部尙書錢謙

益力薦之謙益東林領袖至是附和馬阮爲天下所笑明年二月維垣進左副都御史

修興寧宮慈禧殿時廟門告災鳳陽相陵一日三震而王荒酒漁色工費無度識者知其不堪且夕矣

十一月補予大學士孔貞運諡文忠勣遼撫督吳阿衡忠毅簡討胡守恆文節

二年乙酉正月元旦日有食之

重刊要典楊維垣旣在事追論三案力詆王之宋楊漣等一而爲劄廷元霍維華等訟寃請重定欽案章下

吏部尙書張捷力稱維華等忠請表章三案諸臣追  
賜卹典贈蔭祭葬諡全者霍維華劉廷元呂純如楊  
所修徐終吉徐景濂等六人贈蔭祭葬不予諡者徐  
大化范濟世等二人贈祭葬者徐揚先劉廷宜岳駿  
聲等三人復官不賜卹者王紹徽徐兆魁喬應甲等  
三人他若王德完黃克纘王永光章光岳許鼎臣徐  
卿伯陸澄源等雖名不麗於逆案而爲清論所不予  
者亦賜卹有差唐世濟楊兆升等復起用袁洪勳請  
追論焚婁典諸臣罪寧南侯左良玉江督袁繼咸皆

言要典不必重頒不聽

二月禁宗室入京師

阮大鍼進本部尙書兼右副都御史仍閱江防

予吏部侍郎顧起元諡文莊都督劉源清諡武節

四月從逆光時亨周鍾武愷伏誅本兵張縉彥首從

賊仍授原官摠督河北山西河南軍務其他大僚降

賊者賄入輒復原官

五月 大兵渡江王奔蕪湖十五日 大兵追至蕪

湖執王北去丙戌五月賜死

吏部尚書張捷力稱維華等忠請表章三案諸臣追  
賜卹典贈蔭祭葬諡全者霍維華劉廷元呂純如楊  
所修徐終吉徐景濂等六人贈蔭祭葬不予諡者徐  
大化范濟世等二人贈祭葬者徐揚先劉廷宜岳駿  
聲等三人復官不賜卹者王紹徽徐兆魁喬應甲等  
三人他若王德完黃克纘王永光章光岳許鼎臣徐  
卿伯陸澄源等雖名不麗於逆案而為清論所不予  
者亦賜卹有差唐世濟楊兆升等復起用袁洪勳請  
追論焚婁典諸臣罪寧南侯左良玉江督袁繼咸皆

言要典不必重頒不聽

二月禁宗室入京師

阮大鍼進本部尙書兼右副都御史仍閱江防

予吏部侍郎顧起元諡文莊都督劉源清諡武節

四月從逆光時亨周鍾武懋伏誅本兵張縉彥首從

賊仍授原官總督河北山西河南軍務其他大僚降

賊者賄入輒復原官

浙

五月 大兵渡江王奔蕪湖十五日 大兵追至蕪

湖執王北去丙戌五月賜死

唐王名聿鍵端王碩熿孫父器盛先死聿鍵於崇禎五年嗣立後因率兵勤王擅離南陽錮高墻會救出南都勿守搃兵鄭彩鄭鴻逵撤師回閩適王自河南來因奉之至福州與福建巡撫張肯堂巡按御史吳春枝在籍禮部尙書黃道周南安伯鄭芝龍等會議立王監國鴻逵請正位不然無以壓衆心諸臣以監國名正候出關廷號未遲李長倩有急出關緩正位示監國無富天下心一疏而擁立者艷推戴功不數日卽定議僭卽位於福州時順治乙酉閏六月十五日

日也改福州爲天興府以布政司署爲行宮大赦僭  
改元隆武

以張肯堂爲吏部尙書李長倩爲戶部尙書曹學佺  
爲禮部尙書吳春枝爲兵部尙書周應期爲刑部尙  
書鄭瑄爲工部尙書八閩俱設巡撫

起蔣德璟黃景昉黃道周蘇觀生何楷陳洪謐林欲  
楫朱繼祚黃鳴俊皆爲大學士曾櫻何吾騶郭維經  
葉廷桂以次至閩皆令入閣辦事閣臣至三十餘人  
然不令稟旨皆王親爲之

封鄭芝龍爲平鹵侯鄭鴻逵爲定西侯鄭芝豹爲澄  
濟伯鄭彩爲永勝伯戰守機宜悉芝龍爲政於是集  
議戰守兵自仙霞關而外宜守者一百七十處計兵  
十萬戰兵如之合閩浙兩粵之餉不足供兵食乃令  
撫按以下捐俸助餉官助之外有紳助紳助之外有  
大戶助借徵錢糧大鬻官爵王屢責芝龍出師於是  
議兵一出浙東一出江西然每云餉乏終無一兵出  
關也

改庶吉士爲庶萃士

十月會妃至妃警敏頗知書每群臣奏事妃於屏後聽之共決進止王頗嚴憚焉

順治三年丙戌正月王以鄭鴻達爲大元帥出浙東鄭彩爲副元帥出江西旣出關不行未幾稱餉絕而還

命黃道周督師出江西道周憤鄭氏無出師意乃請募兵江西王給空劄百函持一月糧以行道周出衢州至婺源爲我兵所擒死之

蔣德璟疏請行關遂告病去

三才經事本末卷一  
二月王親征駐建寧楚撫何騰蛟江右楊廷麟皆有  
疏來迎王欲往江右芝龍固請還師乃駐劔津  
王子生大赦

六月鄭芝龍還安平八月王決計赴贛二十一日啟  
行二十四日抵順昌一大兵追及獲之與曾妃同斬  
於汀州

永明王名由榔桂王常瀛少子神宗孫初封衡陽張  
獻忠陷衡州桂王避於梧州乙酉王薨於梧丙戌唐  
王死兩廣總督丁魁楚與廣西巡撫瞿式耜會議監

國閣學兵部尙書呂大器原在兵部尙書李永茂俱  
至以丙戌十月十四日稱監國十一月僭改元永曆  
以肇慶府署爲行宮

館

以丁魁楚呂大器爲大學士魁楚兼戎政大器兼中  
樞未幾大器辭入蜀

圖

追諡唐藩曰思文

王

以王肇基爲司禮太監遂擅朝政於是戶部郎中周  
鼎瀚內批予給事中兵部侍郎王化澄內批予尙書  
廷臣爭之不聽

三藩紀事本末 卷一  
李永茂去以疏薦劉湘客王肇基持之被斥故也  
以朱治澗爲兩廣總督守肇慶

順治四年丁亥二月以瞿式耜嚴起恒爲東閣大學士

以錦衣指揮馬吉翔掌絲綸房事同票擬

三月進式耜文淵閣大學士兼吏兵兩部尚書守桂

林

五年戊子四月王子生大赦

名舊輔何吾<sub>馬</sub>黃士俊爲東閣大學士

七年庚寅二月下都御史袁彭年少詹事劉湘客給事中丁時魁金堡蒙正發詔獄彭年以反正功免議堡與時魁並謫成湘客正發贖配追贓時朝士各樹黨從李成棟至者袁彭年曹睭耿獻忠洪天擢潘曾緯毛毓祥李綺自誇反正從廣西扈行者朱天麟嚴起恒王化澄晏清吳貞毓吳其雷洪士彭雷得復尹三聘許兆進張孝起自特舊臣久之復分吳楚兩黨主吳者天麟孝起貞毓李用楫堵胤錫王化澄萬翱程源郭之奇皆內倚馬吉翔外結陳邦傳主楚者袁

彭年丁時魁蒙正發劉湘客金堡皆外結瞿式耜內倚李元胤元胤成棟子也彭年等附之時號五虎於是互相攻詰無虛日王知羣臣水火令盟於太廟然黨結益固不可解堡尤恃疆化澄吾驕相繼排去貞毓等欲排之而畏元胤不敢發是春王赴梧州元胤留肇慶邦傳率兵援廣州貞毓乃合御史程源等十人共詰之

此條入王奔梧州下

六年己丑冬十月封黔鎮皮熊爲匡國公播鎮王祥爲忠國公防滇寇也

七年庚寅春正月王奔梧州留馬吉翔李元胤守肇慶

八年辛卯春二月孫可望遣賀九義殺大學士嚴起恒追殺督師兵部尚書楊鼎和於崑崙關并殺給事中劉堯珍吳霖張載述等並執閣學楊畏知以歸殺之

以吳貞毓爲東閣大學士

九年壬辰二月孫可望遷王於安陸所改陸爲隆升所爲府後復改爲安龍

三才編事本末 卷一  
十年癸巳二月王使林青陽於李定國約來迎也

十一年甲午三月孫可望遣鄭國王愛秀至安隆殺  
大學士吳貞毓及張鐫等十八人并議廢后后泣訴  
於王乃止

十三年丙申孫可望自置內閣六部等官以文安之  
爲東閣大學士安之走川東

李定國護王遷雲南

十六年巳亥王入緬

十月從官請造庚子曆從之

十八年辛丑緬人執王歸於王師

十八年辛丑緬人執王歸於王師

浙江圖書館



四鎮

崇禎甲申封黃得功爲靖南伯福王僭立進侯令駐儀真命摠兵劉澤清爲東平伯駐廬州摠兵高傑爲興平伯駐瓜州摠兵劉良佐爲廣昌伯駐臨淮大學士史可法開府揚州兼督其師得功榆林衛人素忠勇醉後運雙刀如飛每戰血漬手腕以水濡之久乃得脫軍中呼黃闖子建功河北與良玉先得封傑本闖賊部將竊自成妻邢氏來歸積功至摠兵京城陷傑南走福王設鎮淮上諸將皆欲得揚州而傑先至

揚民畏傑淫毒不納傑遂攻城掠婦女可法議以瓜  
州予傑乃止九月移鎮徐泗而家屬寓揚得功故守  
廬州可法慮傑難制乃移得功儀真相牽制傑死後  
得功乃駐廬州也時東萊總兵黃蜚將之任蜚與得  
功稱兄弟得功聞其將至率騎三百迎之高郵傑疑  
得功圖已潛帥精卒伏道中得功至土橋方作食伏  
起得功出不意舉鐵鞭走飛矢雨集馬踣騰他騎馳  
有驍將舞槊直前取得功得功反鬪挾其槊而扶之  
復殺數十人聲咆哮如雷躍入頽垣中乃免所隨三

百人無一存者而儀真兵將亦被傑劫殺傷過半得  
功大忿恨歸訴於朝願與傑決死戰可法命萬元吉  
和解之適得功值母喪可法命傑以千金爲贖乃止  
傑以得功事解感可法與謀恢復請調得功澤清赴  
邳宿而自提兵趨歸開且職宛洛荆襄以爲根本可  
法壯之然揣知得功必不爲傑後繼故不謂仍駐儀  
真傑復具疏言日今大勢守江北以保江南人人言  
之然從曹單渡則黃河無險自潁歸入則鳳泗可虞  
猶日有長江天塹在耳若何而據上游若何而防海

道豈止瓜儀浦采爲江南門戶已耶伏乞和盤打算  
定期速行中興大業庶有可觀隨發總兵李朝雲赴  
泗州叅將蔣應雄許占魁郭茂榮李玉赴徐州防守  
八月可法巡淮安閱澤清軍在隨具疏請餉爲進取計  
九月巡儀真閱得功軍十月聞自成敗還陝西傑卽  
率兵進可法赴清江浦遣官屯田開封爲經略中原  
根本時諸將各分汛地自王家營至宿遷最衝要可  
法自任之十月王師致書可法以春秋之義有賊  
不討則故君不得安葬新君不得卽位今聞有僭號

江南者棄恩忘仇將謂長江天塹北軍不能飛渡耶  
夫以中華全力受制潢池而欲以江左一隅抗衡大  
國勝負之數不待著龜矣諸君子果識時知命厚愛  
賢王宜勸令削號歸藩永綏福位可法答書言有賊  
未討新君不得卽位乃不忍死其君者之說耳若夫  
天下共主身殉社稷青宮皇子慘變非常而拍牽不  
卽位之說坐昧大一統之義中原鼎沸倉卒出師將  
何以維繫人心號召忠義紫陽綱目踵事春秋其間  
如光武昭烈晉元宋高皆於國仇未報之日亟正位

號綱目未嘗斥爲自立又言契丹和宋多輸金帛回

紇助唐不利土地况 貴國薦念世好兵以義動今

賊未伏天誅捲土西秦方圖報復此不獨本朝不共

戴天之仇亦 貴國除惡未盡之慮伏祈合師進討

問罪秦中至於牛耳之盟本朝使臣久已盈道十一

月 我兵入宿遷可法令劉肇基李棲鳳復之未幾

大兵圍邳州肇基援之相持半月而解十三日傑

至徐州遺書 大軍約同滅闖賊 大軍回言同滅

闖賊其事不合與予言且勸其棄暗投明擇主而事

我副將唐起龍交唐虞時亦致書於傑勸之早降有  
大王小侯世世茅土之語傑並不從乃沿河築墻專  
力備禦又具疏請以重兵駐歸洛聯絡河南總兵許  
定國以奠中原且以銀幣貽定國與結好時聞我豫  
王將由孟縣過河河南撫鎮接踵告警傑遺書澤清  
言彼軍若一越渡則長江迤北盡爲戰場時事至此  
令人應接不暇澤清以聞馬士英疏稱清兵雖屯河  
北然賊勢尙張不無後慮豈遂投鞭問渡乎况彊弱  
何常赤壁三萬淝水八千惟在諸將刻厲之而已時

陳洪範奉使燕都還亦言 清兵萬分緊急土英惡

之曰有四鎮在何處 大兵至夏鎮別由濟寧南下

一從雒陽攻海州圍鄧州可法傑澤清各具疏告急

不應十二月 大兵下邳宿可法飛章報聞不應乙

酉正月傑抵歸德約定國同事時定國駐睢有言其

送子渡河者傑遣人邀定國不至傑因邀巡撫越其

傑巡按陳潛夫同赴睢定國郊迎其傑諷傑勿入城

勿聽十三日傑兵已盡發開封戍守且邀定國去睢

是夜定國享傑傑醉微言及送子事定國大疑傑既

臥傳炮大呼眾擁傑至定國所殺之其傑潛夫遁明日傑部回睢攻城老弱無孑遺定國來降於王師傑爲人淫毒揚民間其死皆相賀然是行也進取之志甚銳故時有惜之者可法聞傑死急如徐州爲請卹於朝王贈傑太子太保許其子元晉世襲封蔭一子錦衣百戶而以傑部李本身爲左都督領傑兵提督本鎮赴歸德本身傑甥也故使之後亦來降於王師得功聞傑死引兵襲揚州將盡殺其妻子以復焉可法急遣同知曲從直解之乃去可法尋歸揚州

三月 大兵入儀封破歸睢進逼江北直下徐賴四月左良玉以清君側爲辭提兵下九江急調得功良佐禦之澤清亦托名勤王大掠而東可法連疏告警王曰上游急則赴上游北兵急則赴北兵自是長策可法曰上游不過欲除君側之奸原不敢與君父爲難若北兵一至宗社可虞不審輔臣何意矇蔽若此又移書士英士英惟以左兵爲慮不應劉洪起亦奏稱王清兵直下恐爲南京憂總督王永吉亦言徐鎮勢不能有何以保江北俱不應 大兵渡淮人情鼎

沸十九日名對群臣大理卿姚思孝尙寶卿李之椿  
等合詞請脩淮揚工科給事中吳希哲亦言淮揚亟  
應脩禦王謂士英良玉雖不該逼南京然看他本上  
原不曾反如今還該守淮揚士英厲聲曰此皆良玉  
死黨爲遊說不可聽寧可君臣同死於清不可死於  
左良玉手有異議者斬王嘿然二十日 大兵屯斑  
竹園摠兵李棲鳳監軍副使高岐鳳欲劫可法出降  
可法叱之二人遂拔營來歸二十四日 大兵薄城  
下時諸將惟肇基自白洋河以兵四千至請乘 清

兵未集背城一戰可法不可而止可法血疏告急不  
報劉澤清通欵我朝我朝惡其反覆磔誅之二  
十五日 大兵攻城砲發城墻敵樓頃刻崩陷城破  
可法自刎不死叅將其擁之出小東門遂被執諭降  
不從殺之肇基率所部巷戰一軍盡歿副將乙邦才  
馬應魁莊子固樓挺江雲龍李豫副旗鼓叅將陶國  
祚內左營叅將許謹內右營叅將馮國用前營叅將  
陳光玉李隆徐純仁光李李大忠孫開忠都司姚懷  
龍解學會等皆巷戰死兵部職方主事何剛入城南

一日而城破投井死原任兵部尙書張伯鯨被數創  
死妻楊氏子婦郝氏從之時得功破左兵於銅陵收  
軍屯蕪湖五月八日 大兵抵江潞京口水師總兵  
鄭鴻逵鄭彩及僉事楊文驄等督兵守江我軍用大  
礮擊江南軍每砲發江水湧激高數丈二鄭帥先遁  
文驄亦逃八日昧爽煙霧蔽江乃縛芻置木楸上順  
流下以給京口兵而 大軍潛從龍潭竹梢渡十日  
士英猶有長江天塹之對十一日 大兵薄都城士  
英奉王母妃率先遁城中無一卒禦敵者王荒宴至

夜半乃奔蕪湖城破勳臣自趙之龍湯國祚文臣  
自王鐸錢謙益以下文武數百員軍士二十三萬俱  
迎降吏部尚書張捷刑部尚書高倬死之庶僚同死  
者則有楊維垣黃端伯劉成治雜流諸生殉難者則  
有陳於偕吳可箕黃金璽陳士達六合則有諸生馬  
純仁抱石投水死如臯則有布衣許德溥刺字於胸  
曰不愧本朝又刺字於臂曰生為明人死為明鬼遂  
被逮殺之邳州則有監生王台輔自縊死王至得功  
軍得功驚泣曰王死守都城各鎮尚可合兵以圖興

復奈何聽奸臣之言出平

大兵自是日

復奈何聽奸臣言先出乎 大兵追王十五日及於  
蕪湖得功戰於荻港時良佐已降於我卽陣上招得  
功得功叱之降將張天祿從良佐後射得功中喉偏  
左得功知不可爲擲刀拾所拔箭刺喉以死其妻聞  
之亦自經也總兵翁之琪投江死中軍田雄挾王出  
降

浙江



浙江圖書館

兩案

順治二年乙酉二月鴻臚寺少卿高夢箕密奏先帝太子在浙初甲申之變太監稟宗周王之俊以太子二王獻於李賊賊幽之劉宗敏所至是南來左良玉疏稱吳三桂實有明驗今不可攷三月初一日命太監李繼周往浙名至寓僧寺令內員迎入宮內員報不實尋命移寓錦衣衛都督馮可宗家傅文武官識認大學士王鐸指原任講官方拱乾問曰此何人對曰方先生而講官劉正宗趨上不識也又問先帝親

鞠吳昌時時東宮立何地不能對於是給事中戴英  
直詰其僞授以紙筆供稱高陽人王之明係駙馬都  
尉王昺姪孫家破南奔遇高夢箕家人穆虎教以詐  
冒東宮王鐸等回奏遂勅法司根究御史陳以瑞奏  
愚民觀聽易惑將謂諸臣有意傾先帝血脣請勿加  
刑時有內員上密疏於王王令持示士英士英言細  
閱密疏其言雖似疑慮實多既爲東宮幸脫虎口不  
卽到官說明却走紹興可疑一也東宮厚質疑重此  
人機辨百出可疑二也公主現養周奎家而云已死

可疑三也臣愚宜付法司窮究主使與臣民共見而  
棄之越三日鞫於午門外夢箕穆虎皆具服下刑獄  
上英欲并傾姜黃令法司寃主使附逆者寧南侯左  
良玉具疏言東宮之來吳三桂實有明驗朝廷諸臣  
但知逢君不顧大體前者李賊逆亂尙錫王封何至  
一家視同仇敵明知窮寃必無別情必欲展轉誅求  
遂使陛下忘屋烏之德臣下絕委裘之義親親而仁  
民願陛下省之靖南侯黃得功言東宮之來何人定  
爲奸僞先帝之子卽陛下之子未有不明明不白付之

刑獄人臣之義謂何在廷諸臣諂徇者多抗顏者少  
卽使明白識認誰敢出頭取禍乎廣昌伯劉良佐言  
王之明童氏兩案未協輿論懇求曲全兩朝彝倫毋  
貽天下後世口實湖撫何騰蛟言太子到南何人奏  
聞何人物色取名至京馬士英何以獨知其僞既是  
王昺姪孫何人舉發內官公侯多北來之人何無一  
人確認而泛云自供高夢箕前後兩疏何不發抄此  
事關天下萬世是非何可不慎江督袁繼咸言太子  
移氣移體必非外間兒童所能假襲王昺原係巨族

高陽未聞屠害豈無父兄群從何以隻身流轉到南  
望陛下勿信偏辭使一人免向隅之泣則宇宙享蕩  
平之福矣各疏上王惟以王之明自供甚明將審明  
節畧諭之而已四月左良王稱奉太子密旨舉兵南  
下至九江江督袁繼咸請赦太子以止之王切責不  
聽五月十一日王師薄南都王奔南都士民出太  
子於獄奉之監國十四日同趙之龍出降北去  
顧治二年乙酉三月十三日福王故妃童氏自越其  
傑所至命付錦衣衛監候氏故周府宮人洛陽破氏

三藩紀事卷之三十一  
逃至尉氏縣與王遇於旅邸相依生一子王之南也  
妃與太妃各散不相顧已迎太妃於河南陳潛夫奏  
妃故在王勿名至是自其僕所至王益不悅劉良佐  
言童氏必非假冒馬士英亦言苟非至情所關誰敢  
與陛下爲敵體王終不應命馮可宗鞠之氏細書入  
宮年月及相離情事甚悉求可宗呈覽王棄勿視可  
宗亦辭勿審改命屈尙忠嚴刑拷掠氏號呼詛罵尋  
死獄中

馬阮之奸

順治元年甲申五月福王僭立於江南進馬士英東閣大學士仍督師鳳陽士英大怒陰令劉澤清高傑疏趨史可法督師淮揚可法出土英遂入閣兼掌兵部事

八月中旨傳陞張有譽爲戶部尙書時欲起用阮大鍼故先以清望傳陞有譽

吏部尙書張慎言罷士英慮慎言兼詮大鍼終不能起乃令劉孔昭湯國祚趙之龍等攻去之

馬士英奏薦逆案阮大鍼以知兵賜冠帶陞見初大  
鍼被斥居江寧與士英及守備大監韓贊周深相結  
福王僭立贊周屢稱大鍼才王固已心識之及士英  
以邊才薦遂命陞見高弘圖請下九卿會議士英曰  
會議則大鍼必不得用弘圖曰臣非阻大鍼舊制京  
堂必會議姜曰廣亦如弘圖言士英遂言魏忠賢之  
逆非闖賊可比弘圖曰廣於已所愛者卽曰先帝無  
成心於已所惡者卽曰成案不可翻欺罔莫甚於是  
於是劉宗周言祖宗故事九列大僚必用廷推郭維

經言案成先帝之手今將此案株殺起用大鉞赫赫  
英靈恐有餘恫羅萬象言輔臣薦用大鉞或以愧世  
無知兵者然大鉞實未知兵詹兆恒言先帝異變百  
姓莫不洒血搥胸近聞燕齊之間士紳皆白衣剗聚  
兵以圖復仇一旦忽翻前案召用大鉞豈不上傷在  
天之靈下短忠義之氣呂大器熊汝霖萬元吉陳良  
弼王孫蕃左光先尹民興等各疏力爭於是士英爲  
大鉞奏辦力攻曰廣大器等月餘遂以中旨授兵部  
添註右侍郎

湖廣巡按御史黃澍入賀面糾士英奸貪不法且言  
嘗受獻賊僞兵部尙書周文江賄罪當斬承天守備  
太監何志孔復前助澍士英跪乞處分澍直前舉笏  
擊其背士英佯稱疾而陰賂內閣田成張執中等言  
士非士英不得立今逐之是昔舊恩也且立英在閣  
主上可以優閒士英若去誰復有念主上者王遂諭  
留士英澍連上十疏稱自古未有奸臣在朝而將帥  
能立功於外者又言自魏璫竊窺神器以來實釀今  
禍附逆之人與薦逆之人皆有賊心乞懸諸日月以

除魁魍王不聽諭澗還楚

十月以道案楊維垣爲通政使

鎮國中尉候攷吏部朱統鎮疏糾姜曰廣詞連史可  
法呂大器等禮科給事中袁彭年疏言中尉有奏請  
先啟親王叅詳可否然後給批賫奏若候考吏部則  
與外吏等應從通政司封進今何徑何竇直達御前  
宜加禁戢通政使劉士楨言曰廣勁骨慙性守正不  
阿居鄉立朝皆有公論統鎮何人不由職司飛章越  
奏此真奸險之尤豈可容於聖世皆不聽先是呂大

三才圖會卷之二十一  
器詰奏士英賣官鬻爵敗法亂紀諸罪而曰廣事事  
與士英爲忤故士英授意詰之大器予告去曰廣降  
調而換授統鎮爲行人

內批予封疆失事太監孫呈秀原官章正宸疏爭不

聽

圖

御史祁彪佳論詔獄廷杖緝事三大弊稟擬革禁發  
改高弘圖言擬稟發改不審內廷何人主持使正論  
不容若此王切責弘圖尋予告去

內傳以張捷爲吏部尙書

例轉科道陸朗爲僉事黃耳鼎爲副使內批留用

加翼戴恩進士英太子太師蔭錦衣衛指揮僉事九月叙江北功加少傅兼太子太師建極殿大學士十二月以南臨恩進少師明年二月叙殿工恩進太保罷浙江巡撫黃鳴俊降調浙江巡按任天成以許都餘黨復叛故也并議前任巡按左光先罪光先係光斗弟與大鉞世仇又首劾士英大鉞故借事陷之蘇松巡撫祁彪佳言許都之變實發於東陽義烏浦江皆無堅城光先事竣出境聞變復還調兵措餉宵夜

三藩紀事本末 卷一  
經營變起不一月元兇授首既不錄其功豈可反以  
激變罪之乎於是士英大鉞并浪彪佳遂嗾御史張  
孫振論其好貪罷之

起越其傑巡撫東萊其傑以貪遣戍以士英姝壻起  
用

名降獻賊劉僑至京補原官僑以玉杯古玩進張獻  
忠卽用爲錦衣都督左良玉恨蘄黃僑削髮逃去士  
英納僑賄遂復原官

士英請免府州縣童生應試分上中下戶納銀若干

即赴院試又行納貢助工等例於是民間有掃盡江南金填塞馬家口之謠

布衣何光顯上疏請誅士英詔戮於市籍其家

以楚宗朱盛濃爲池州府推官盛濃疏劾御史黃澍毀制辱宗貪賍激變故士英擢之立命逮澍江督袁繼咸代爲申理乃止澍匿左良玉軍中良玉由是有

隙

二年乙酉二月以阮大鍼爲兵部尚書賜蟒服大鍼雖長兵部專職江防軍事一切不問引所善蔡琛唐

三藩紀事本末 卷一  
世濟張孫振袁弘勳等布列要路撓六部權任劉應  
賓文選濁亂銓政擢私人林有本王錫衮等二十餘  
人爲給事御史江督袁繼咸薦鄧林奇爲總兵大鉞  
索賄旣足始給勅印白丁隸役賄至立躋大帥時有  
轍方賤如狗御督滿街走之謠

賜中書舍人林翹一品武銜翹善星術決士英必大  
用士英薦授中書舍人尋躡一品武銜麟服趨事

以破勘杭州府推官黃端伯爲禮部主事端伯入京  
稱表曰廣逆謀有狀故有是擢

以楊維垣爲左副都御史大鉞得志專務報復與維垣謀盡殺東林復社諸人時有狂僧大慧出語不類爲總督京營戎政趙之龍所獲下詔獄大鉞因與維垣及張孫振謀令引諸人擁潞王則一網可盡因造十八羅漢五十三叅之目海內人望無不脩列納之大慧袖中大獄將與會上游告急而止

倉場尙書賀世壽僉都御史郭維經告病去大鉞密遣人劫之江中

殺禮部主事周鑑原任武惠道雷縉祚鑣鍾從兄以



友快臣前兩疏望陛下從容審處猶冀士英夜氣稍  
存亦當剔腸悔過以存先帝一綫不意奸謀日甚一  
日臣自此不與奸賊共天日矣臣已提師在途將士  
裂目指髮人人思食其肉臣恐百萬之衆發而難收  
震驚宮闕且聲其罪狀正告陛下仰祈剛斷與天下  
共棄之自先帝之變人人號泣士英利刃擅權事事  
與先帝爲難欽案先帝手定者士英首翻之要典先  
帝手焚者士英修復之思宗改諡明示先帝不足思  
以絕天下報仇雪恥之心罪不容於死者一也國家

提衡文武全恃名器鼓舞人心自賊臣竊柄以來賣官鬻爵殆無虛日都門有職方賤如狗都督滿街走之誦如越其傑以貪罪遣戍不一年而立陞巡撫張孫振以贓污絞犯不數月而夤緣僕少袁洪勳與張道濬皆詔獄論罪者也借起廢竟復原官如楊文驄劉泌王燧黃鼎趙書辦等或行同犬彘或罪等叛逆皆用之於當路是此之類直以干計罪不容於死者二也閣臣司稟擬政事歸六部至於兵柄尤不得兼握士英已爲首輔猶復掌樞是弁髦太祖法度且又

引其腹心阮大鍼爲添設尙書以濟其篡弒之謀兩  
子梟獍各操重兵以爲呼應司馬昭復見於今日罪  
不容於死者三也陛下選立中宮典禮攸關士英居  
爲奇貨先擇其尤者以充下陳罪通於天而又私買  
歌女寄養阮大鍼家希圖進選計亂中宮陰謀叵測  
罪不容於死者四也陛下卽位之初恭儉神明士英  
百計誑惑進優童艷女損傷盛德每對人言惡則歸  
君罪不容於死者五也國家遭此大難須寬仁慈愛  
以收人心士英自引用阮大鍼以來睚眦殺人如雷

三才系馬之方 卷一 三三  
續祚周鑣等煨煉周內株連蔓引尤其甚者借題三  
案深埋陷穽將生平不快意之人一網打盡令天下  
士民重足解體罪不容於死者六也九重秘密豈臣  
子所敢言士英遍布私人凡陛下一言一動無不窺  
視又募死士竄伏皇城詭名禁軍以觀陛下動靜曰  
廢立由我罪不容於死者七也率土碎心痛號者先  
帝殉難皇子猶存前此定王之事海內至今傳疑未  
已況今皇太子授受分明臣前疏已悉士英乃與阮  
大鍼一手握定不畏天道神明不畏二祖列宗不畏

天下公議不畏萬古綱常忍以先帝已立七年之嗣  
君爲四海謳歌訟獄所歸者付之幽囚天昏地慘神  
人共憤凡有血氣皆欲寸磔士英大鉞等以謝先帝  
此非臣之私言諸將士之言也非獨臣標將士之言  
天下忠臣義士愚夫愚婦之公言也伏乞陛下立將  
士英等肆諸市朝傳首四方用抒公憤臣等束兵計  
刻以待不禁大聲疾呼激切以聞士英大懼專理部  
事不入直左兵由九江安慶至建德順流而下士英  
遣朱大典阮大鉞黃得功劉孔昭等禦之而撤劉良

三才圖會卷之二十一  
卷一  
三三  
佐等以從時 大兵已過山東徇徐州下亳泗史可  
法血疏告急大理少卿姚思孝御史喬可聘成友謙  
等皆云良王非叛請無撤江北兵十九日王諭士英  
左良玉雖不該興兵逼南京然看他本上原不曾反  
叛如今還該守淮揚不可撤防江兵士英厲聲指諸  
臣言此皆良王死黨爲遊說其言不可聽寧可君臣  
同死於清不可死於左良玉手有異議者斬王嘿然  
未幾良王死左夢庚敗於采石論功晉大鉞太子太  
保

五月 王師渡江圍江寧王奔蕪湖士英以黔兵與  
大鉞奉太妃走浙江兵至廣德州知州趙景和言彼  
不奉王而奉太后詐也閉門拒守士英攻破之殺景  
和至紹興紹人猶未知王存亡原任九江僉事王思  
任因上疏言戰鬪之氣必發於忠憤之心忠憤之心  
必發於廉恥之念事至今日人人無恥在在不憤矣  
所以然者南都定位以來從不曾真真實實講求報  
雪也主上寬仁有餘剛斷不足心惑奸相馬士英爰  
立之功將天下大計盡行交付而士英公竊大阿肆

無忌憚窺上之微而有以中之上嗜飲則進醢醢上  
悅色則獻妖淫上喜音則進優鮑上好玩則奉古董  
以爲君逸臣勞而以疆場擔子一肩卸與史可法又  
心思其成功而決不照應之每一出朝招集無賴賣  
官鬻爵攫盡金錢四方狐狗輩願出其門下者得一  
望見費至百金得一登簿費至于金以至文選職方  
乘機打劫巡撫總督見兌卽題其餘編頭修脚服錦  
橫行者不在話下矣所以然者士莫獨掌朝綱手握  
樞柄知利而不知害知存而不知亡朝廷篤信之以

至於此也茲事急矣政本閣臣可以走乎兵部尚書  
可以逃乎不戰不守而身擁重兵口稱護太后之駕  
則聖駕獨不當護耶一味欺蒙滿口謊說英雄所以  
解體豪傑所以灰心也及今猶可呼號泣名之際太  
后宜速趨上照臨出政斷酒絕色臥薪嘗膽立斬士  
英之頭傳示各省以爲悞國欺君之戒仍下哀痛罪  
已之詔以昭悔悟則四方之人心猶可復鼓又上書  
士英言閣下政本自由兵權獨握只知酒色逢君門  
墻固黨從不講戰守之備以致乘輿播遷謀國至此

卽喙長三尺何以自解以愚上計莫若明水一盃自  
 勿以謝天下若仍逍遙湖上潦倒煙霞效賈似道之  
 故轍千古笑齒已經冷絕再不然如伯嚭渡江則我  
 越乃報仇雪恥之邦非藏垢納汙之地職當先赴胥  
 濤乞素車白馬以拒閣下至杭州熊汝霖責士英當  
 從王士英無以應杭州破士英走錢塘 王師追躡  
 之斬其五百級

魯王監國紹興張國維首叅士英悞國十大罪士英  
 懼不敢入朝而依方國安於嚴州時大鉞投朱大典

王師追躡  
 朱大典  
 王師追躡

於金華士民檄逐之乃亦送於國安軍未幾 王師  
復敗士英兵於餘姚國安兵於富陽已士英率衆渡  
江窺杭州復大敗

三年丙戌六月 王師渡錢塘江士英國安計劫魯  
王來獻王脫去阮大鍼同謝三賓宋之晉蘇壯等來  
降

唐王僭立於福州士英擁兵求入關王以其罪大不  
許


八月 王師討湖賊吳易并獲士英 詔俱斬之而

野史則云士英遁至台州來降於王師已大兵  
執唐王於順昌搜龍扛得士英大鉞及方國安父子  
方遙年請駕出關爲內應疏在已降後大鉞方遊山  
自投崖死仍戮屍斬士英等四人於延平城下妻子  
給賜兵丁


浙江圖



浙江圖書館






浙江圖書館



浙江圖書館



浙江圖書館



浙江圖書館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black